

դաքավարութեան ունիս իշխանութիւն, առ 'ի յանդիմանել զվատթարացեալսն, եւ 'ի փառաւորել զլաւագոյնսն:

Ըստ Եզեկիային քեզ տիւն դարձեալ 'ի վերջս՝ տացի նշան. ըստ Եզեկիային քեզ տիւն դարձեալ 'ի վերջս՝ տացի նշան, երկարելով զժամանակս. եւ ըստ քաջին Յեսուայ՝ արեգակն 'ի քեզ առկայացի, մինչեւ 'ի վախճան պահանջեցեալ զվրէժս 'ի Հագարայ եւ 'ի Քանանացոյն. եւ զանվախճան խաղաղութիւն աշխարհիս Հայոց ընձեռեցես:

Քանզի անյիշաչար հեգութեամբ, քանզի անյիշաչար հեգութեամբ, եւ մեծաւ զղջմամբ՝ ըստ արքային Դաւթի, աստուածածանօթութեան շնորհն 'ի քեզ դարձցի. եւ 'ի սակս այսմիկ՝ հատանող տապարն 'ի բաց դիցի. եւ տնկագործականին մաղթանք ժամանեցեն 'ի կենդանական թզենիդ. պտղալից արդարութեամբ խաղաղացի կենցաղավարութիւնդ քո, հանդերձ զաւակօք եւ համբաւով բարեաց:

Եւ եպիսկոպոսապետն կատարէ զպատարագն մեծաւ հանդիսի եւ ուրախութեամբ. եւ ասէ աղօթք պատարագի. «Աստուած, որ զարմանալիդ ես 'ի գործս քո», եւ այլն: Ի վերայ ժողովրդեանն.

*«Աստուած ամենակարող, որ յամենայնի խնամես զժողովուրդս քո, օրհնեալ գոտսա եւ արժանի արա յաւիտենական թագաւորութեանդ. շնորհօք Տեառն մերոյ Յիսուսի Քրիստոսի, ընդ որում», եւ այլն: Աղօթք արքային. «Աստուած պարգեւեցէ քեզ ուժգնութիւն եւ կարողութիւն 'ի վերայ ամենայն հակառակորդաց քրիստոնէից, առ 'ի հաստատել զեկեղեցի խաղաղութեամբ. որպէս զի մնացես 'ի թագաւորութեանդ, եւ առաջնորդեցես զօրաց քրիստոնէից՝ աներկիւղ յամենայնի. որով պահեցես զժողովուրդս խաղաղութեամբ, եւ ժառանգեցես զյաւիտենական կեանսն ընդ ամենայն թագաւորս բարեպաշտս, յաւիտենից»:*

Կատարումն պատարագի. «Բարերար տէր», եւ այլն:

Ելանեն յեկեղեցոյն. եւ հեծանի թագաւորն 'ի ծածկած երիվար. եւ Սպարապետն (գունդստապլն) հեծանի միայն առաջի թագաւորին, եւ Նշանակն արքունի 'ի ձեռին իւրում. եւ Թագադիրն յաջ դիհ թագաւորին, ունելով զմիւս թագն 'ի ձեռին. եւ Սենեսկալն 'ի ձախ դիհն. եւ Պօղլերն զկնի. եւ Զամբոլայն զկնի թագաւորին, թրաքամք. եւ Մարաջախտն ունելով զՆշանակ Գունդստապլին՝ գնայ առաջի նորա. եւ այլ լիճ ճորտերն՝ թրաքամք՝ պատեալ զթագաւորն, եւ ամենայն երգովք եւ փառագարդեալք զան յապարանս արքունի: Եւ մտեալ 'ի ներքս՝ նստի թագաւորն յաթոռ թագաւորութեան. եւ աստիճանաւորքն կանգնին յաջակողմն եւ 'ի ձախա-